

Zapisnik sa 8 redovne skupštine SRS FBIH održane 24.01.2009 godine u Livnu sa početkom u 11 sati

Podpredsjednik Skupštine saveza gosp. Zlatko Hodak otvorio je sjednicu i nakon toga ponudio slijedeći dnevni red:

1. Izbor skupštinskih tjela,
 - a. Radno predsjedništvo
 - b. Verifikaciona komisija
 - c. Zapisničar i 2 ovjerivaca zapisnika.
2. Izvjesce o radu Upravnog odbora
3. Financijsko izvješće za 2008 godinu,
4. Izvjesce o radu komisije za ekologiju, zaštitu i unapređenje ribljeg fonda
5. Izvjesce o radu takmičarsko sudijske komisije
6. Izvjesce Nadzornog odbora
7. Utvrđivanje visine doprinosa članica saveza prema SRS F BiH sukladno Zakonu o slatkovodnom ribarstvu F BiH
8. Usvajanje finansijskog plana za 2009 godinu
9. Izbor delegata za novi naziv skupštine SRS BIH
10. Razno:

Dnevni red je usvojen jednoglasno.

1. Izbor skupštinskih tijela

a) U radno predsjedništvo predloženi su Zlatko Hodnik, Tihomir Popović i Sidik Uzunović

b) Verifikaciona komisija - Ahmet Šeremet i Ahmo Gogić

c) Zapisničar Melić Indir i ovjerivači zapisnika Milorad Čurčić i Zijo Terović

Nakon glasanja jednoglasno su podržani predloženi kandidati.

Zlatko Hodak: Tražim izvještaj verifikacione komisije o prisustvu delegata sjednici Skupštine dali možemo donositi pravosnažne odluke.

Verifikaciona komisija je podnijela izvještaj tako da je od 79 pozvana delegata sjednici prisustvuju 46 delegata.

2. Izvještaj o radu Upravnog odbora

Izvještaj o radu Upravnog odbora podnio je predsjednik Upravnog odbora gosp. Cristijan Oršolić koji je naglasio da je svim delegatima izvještaj poslat u pisanoj formi te da nema potrebe da ga čita.

Nakon toga otvorena je diskusija po podnesenom izvještaju.

Miro Vrljićak-SRD Breza

Mi smo na području ZDK-a osnovali svoj kantonalni savez i skoro smo imali Skupštinu istog na kojoj smo donijeli određene odluke tj.zahtjeve prema SRS FBIH zbog toga što prema našoj evidenciji naš savez finansira Federalni sa oko 40% ukupnih prihoda i ti zahtjevi su:

- 1.Zahtjevamo da u roku 15 dana Upravni odbor dostavi zapisnike o položenim ribarskim ispitima i položenim ispitima za sudije
2. tražimo da Savez radi u skladu sa Zakonom o slatkovodnom ribarstvu i da napokon počne jedinstvena cijena ribolovne dozvole
- 3.tražimo da se uvede jedinstveni režim ribolova u cijeloj FBIH
- 4.Da se smanji kotizacija za takmičenje
- 5.delegati iz ZDK za SRS BIH su Uzunović Sidik i Miro Vrljičak

Ukoliko ne budu usvojeni naši zahtjevi SRS ZDK-a će zamrznuti rad u u SRS FBIH.

Christian Oršolić-predsjednik UO

Pokušat ću odgovoriti u kratkim crtama,nije tačna konstatacija da vi finansirate savez sa 40% već sa 17% po našim proračunima,zapisnike o položenim ispitima smo tek nedavno dobili ali oni nisu kompletni treba sve to pregledati i tek tada će biti objavljen konačan spisak, kako sudija tako i ribički ispita, cijena dozvole je po zakonu, na dozvolama piše cijena dozvola i štampane su u obliku kako je propisano po zakonu, a ukoliko se od strane nekih udruga ne poštuje cijena dozvole, morate se obratiti nadležnom kantonalnom inspektorcu radi kontrole zakonitosti rada . Nadalje ,Savez je vršio poribljavanje voda i na području ZDK-a, sukladno provedenom natječaju i redosljedu poribljavanja i na kraju po Statutu SRS FBIH nema zamrzavanja statusa u savezu ili jesi ili nisi član.

Ermin Hadžić-podpredsjednik UO

Visina cijene dozvole je propisana i savez nema ingerencije da naredi koja će biti cijena dozvole. Kod Vas se nije poštovala cijena dozvole na području ZDK-a u Zavidovičima je bila druga cijena dozvole dakle nisu ni oni poštovali Zakon.

Mi znamo da prošle godine SBK nije poštovao Zakonom određenu cijenu dozvole mi smo utjecali na inspekciju u vezi toga i ove godine poštuje se cijena dozvole i na ovom području.

Miro Vrljičak-SRD Breza

U vezi sudijske komisije dajte da se pronađe ta dokumentacija i da znamo koje sudija a ko ne.

U vezi zajedničkog režima ribolova da vidimo šta ribolovce povezuje i koji su nam zajednički interesi.

Ermin Hadžić-podpredsjednik UO

Stigla je dokumentacija o položenim ispitima za sudije komisija će je pregledati i vaš član Doglod će takođe učestvovati u tome.

Milorad Čurčić

UO je razmatrao vaš zahtjev i donio je zajednički stav da će se ubuduće približavati i ciprinidne vode, o takmičenjima se mora razgovarati jer mi smo 2010 godine domaćini velikim Evropskim takmičenjima.

Damir Hunjić – SRD Neretva Mostar

Zamolio bih predsjednika Skupštine da prekine ovu raspravu i da se vratimo dnevnom redu.

Zlatko Hodak-podpredsjednik Skupštine

Nakon prekinute debate i pošto se niko više nije javljao za riječ izvještaj o radu za 2008 godinu je dat na glasovanje.

Izvještaj o radu je usvojen jednoglasno

3.Financijsko izvješće za 2008 godinu

Predsjednik Upravnog odbora gosp.C.Oršolić je pročitao finansijski izvještaj koji su delegati dobili u radnom materijalu i nakon toga je otvorena diskusija po podnesnom izvještaju.

Zlatko Hodak-podpredsjednik Skupštine

Mislim da bi trebali tačku 3 i tačku 8 objediniti i raspravljati o obe pošto su usko povezane, a takođe raspravljati o svim izvještajima i usvojiti ih nakon rasprave.

Damir Hunjić – SRD Neretva Mostar

Protestujem što predsjedavajući nije dozvolio diskusiju o dnevnom redu,
- ovaj izvještaj nije rađen u zakonskoj formi, utrošak sredstava ni na računu nije transparentan, imamo sredstva na računu od polaganja ribarskih ispita koja stoje na računu ali planom za 2009 godinu nisu predviđene kamate na sredstva
- nisu predviđeni porezi na dnevnice i putne naloge, za isplaćene iznose za rad u komisijama za polaganje ribarskih ispita nisu pravljani nikakvi Ugovori za rad u Komisijama

Upravni odbor je trebao napraviti bolji finansijski plan za 2009 godinu.

Tražim da se uradi spisak udruženja sa brojem članova i obavezama prema savezu i da se dostavi svim delegatima, da se iz finansijskog plana za 2009 godinu briše obaveza za poresku upravu, da se izračuna kamata i ista predvidi ovim planom, ukoliko dođe do pobijanja presude Poreske uprave da se ta sredstva ne utroše suglasnosti skupštine

Christian Oršolić-predsjednik UO

Financijski izvještaj u ovoj formi se radi da bi bio razumljiv svim delegatima a završni račun radi ovlašteno lice.

Što se tiče rashoda slažem da je Skupština trebala donositi odluke o potrošnji istih. Međutim Nismo bili u mogućnosti predvidjeti da će UO SRS BIH prebaciti namjenski sredstva za kupovinu naših prostorija, a bila je prilika da se kupi prostor i nismo imali vremena da sazivamo Skupštinu, a pretpostavljam da će te se složiti da to nije bilo ni moguće uraditi bez značajnijeg trošenja sredstava saveza, promatrajući u tom kontekstu i sve mjere štednje koje je uveo ovaj saziv UO radi ispravljanja zatečenog financijskog stanja saveza . Odlukom UO dio novaca koji je bio planiran za sanaciju po rješenju porezne usmjeren je za kupovinu prostora obzirom da rješenje porezne nije još konačno a dolazio je kraj poslovne godine te je ovo bio razuman potez. Po Rješenju poreske uprave došle se žalbe na 3 stadij i imamo pravo još na upravni spor, a plaćanja poreza na putne naloge i dnevnice po upustvu iz FMF ne trebaju se obračunavati, dok se zakonske kamate obračunavaju po pravosnažnosti a ovo Rješenje nije još pravosnažno, te smo postupili pragmatično a u ovoj godini je potrebno ponovo planirati sredstva ukoliko rješenje bude konačno, a skupština će ocijeniti naš rad izjašnjavanjem o izvješćima.

Članarinu su platila većina udruženja, i unatoč bezbroj poziva i urgencija neka nisu bila u mogućnosti izmiriti članarine i prenijeli su obavezu u narednu godinu tako da nikome nije ništa otpisano .

Ja se slažem sa djelom vašeg izlaganja, ali treba shvatiti da ovaj Savez sada radi transparentno i da su svi potezi koji izlaze djelimice izvan okvira ovlasti UO poduzeti sa ciljem uštede sredstava radi saniranja financijskih problema koje smo zatekli po preuzimanju vođenja saveza.

Damir Hunjić – SRD Neretva Mostar

Ja sam tražio da financijski izvještaj bude u skladu sa Zakonom i možda me mnogi nisu razumjeli i ja takođe podržavam ovaj financijski izvještaj.

Ilvan Hadžić-SRD Vareš

Čitao sam ranije izvještaje i po prvi put vidim dobre namjere UO kao dobrog domaćina, takođe vidim da gosp.Damir hoće da poboljša buduće izvještaje i da govori dobronamjerno.

Zlatko Hodak-podpredsjednik Skupštine

Nakon zadnjeg izlaganja i pošto se niko više nije javljao za riječ predloženo je da se raspravi točka 8 dnevnog reda a potom i svi ostali izvještaji te da se potom zajedno dadnu na glasovanje obzirom da su svi povezani i da prije glasovanja o njima treba čuti izvještaj nadzornog odbora.

Prijedlog je dat na glasovanje i usvojen većinom te se pristupilo slijedećoj točki dnevnog reda.

8.Usvajanje financijskog plana za 2009 godinu

Marcel Kučinski-SRD Novi Travnik

- predlažem da se u financijski plan za 2009 godinu predvidi 2000,00 KM za pripremu održavanja Evropskog prvenstva u Fly fishingu 2010 godine koje će se održati na naše tri ribarske staze Ključ, Bihać i Jajce.

Christian Oršolić-predsjednik UO

Ovaj prijedlog je moguće realizirati ako se stavku za poribljavanje ciprinidima umanjiti za ova sredstva.

4.Izvješće o radu komisije za ekologiju ,zastitu i unapređenje ribljeg fonda

Stipo Čuljak SRD Rama Prozor

Podnio je izvještaj Komisije za ekologiju ,zastitu i unapređenje ribljeg fonda nakon čega je pokrenuta rasprava po ovom izvještaju.

Bajraktarević-SRD Velika Kladaša

Tražim da se dostavi spisak udruženja koja nisu izmirili obaveze prema savezu i da se dostavi spisak udruženja koja su dobila sredstva za poribljavanje.

Stipo Čuljak SRD Rama Prozor

Javni konkurs je raspisan u augustu i uslov je bio da su izmirene obaveze prema Savezu za 2007 godinu što su sva udruženja koja su dobila poticaj i uradila

Ivica Tomičić – SRD Busovača

Tražimo da se oformi komisija koja će nas štititi od zagađivača, izgradnje hidrocentrala i vađenja šljunka

Zlatko Hodak-podpredsjednik Skupštine

Zašto komisija nije raspravljala i ove probleme

Midhat Miđić SRD Bihać

Ovaj izvještaj bi trebao biti glavni u budućem radu ,mi smo podnijeli preko 1000 prijava protiv raznih zagađivača.Tražim da se oglasimo kao savez federalnom ministarstvu da izvrši kontrolu svih vodotoka u FBiH.

Kako udruženja vrše poribljavanje dali se poštuje Zakon o slatkovodnom ribarstvu.neka udruženja su potpisali Ugovor o korištenju ribolovnog prava i dobili su velike obaveze na zaštiti i čuvanju voda po Ugovoru.

Tihomir Popović SRD Livno

Svaki kanton ima iste probleme tražim da ovaj Savez pomogne rješavanje barem u jednom kantonu tako bi lakše riješili i ostale probleme u drugim kantonima

Zijo Terović SRD Goražde

Svi imamo problema sa vađenjem šljunka na Upravnom odboru saveza bili su inspektori federalnog ministarstva.Imamo problema na lokalnom nivou u vezi vađenja šljunka.Došli su Federalni inspektori i nakon toga sam obavješten da niko više ništa neće raditi bez naše suglasnosti.

SRD Kreka

Predlažem da UO napravi plan poribljavanja za narednu godinu

Josip Pjevac-Čapljina

Slažem se sa izvještajem o poribljavanju treba tražiti poticaj za proizvodnju riblj mlađi,trebamo se pitati kako se vrši poribljavanje naših voda mislim da trebamo tražiti mišljenje FMPVŠ,treba sjesti na terenu sa ljudima i viditi šta treba i kojom vrstom poribljavati.Trebamo raditi na zaštiti autohtonih vrsta,trebamo tražiti sredstva od elektroprivreda da vrše svoje obaveze prema vodotocima

Christian Oršolić-predsjednik UO

Ko ima ribarsku osnovu vrlo dobro zna šta treba poribljavati tj.kojom vrstom riblje mlađi,a što se tiče elektroprivrede treba potrošiti puno vremena na lobiranje a to nije moguće uraditi preko noći, te o ovim stvarima treba voditi računa i samo društvo koje aplicira na poribljavanje obzirom da se unaprijed zna kojim vrstama i količinama se raspolaže , i volio bih da se u buduće na poribljava samo radi poribljavanja već da vrste ribe kojima se planira poribljavanje odgovaraju onim društvima koja apliciraju za iste.

Stipo Čuljak SRD Rama Prozor

Program poribljavanja urađen je na osnovu poticaja iz 2007 godine ,a država je davala poticaj samo za pastrmku i lipljena.treba tražiti od ministarstva da odobri poticaj i drugih vrsta riba.

Potom se prešlo na slijedeću točku dnevnog reda.

5.Izvjesce o radu takmicarsko sudijske komisije

Ermin Hadžić-podpredsjednik UO

Podnio je izvještaj sudijske komisije zbog toga što predstavnika tekomisije nije bilo na Skupštini,on je obavjestio delegate da je Upravni odbor izvršio reizbor članova Sudijske i takmičarske komisije.

6. Izvješće Nadzornog odbora

Nikola Konjevod-Predsjednik Nadzornog odbora

Podnio je izvještaj nadzornog odbora o radu Upravnog odbora u 2008 godini.

- ovo je 5 ili 6 nadzor i konačno smo dočekali jedan izvještaj koji je vrlo jednostavan i transparentan. Na kraju je konstatovao da je Upravni odbor radio u skladu sa Statutom saveza i Zakonom.
- Predlažem da Skupština usvoji ovaj izvještaj i da obaveže udruženja da do 31.01.2009 godine ispune svoje obaveze prema Savezu

Miro Vrljičak-SRD Breza

Drago mi je da sam čuo ove navode nadzornog odbora.

Zlatko Hodak-podpredsjednik Skupštine

Tražim od delegata da usvoje tačke dnevnog reda ,3,4,5,6 i 8-nakon glasanja utvrđeno je da su ove tačke dnevnog reda usvojene jednoglasno .

Potom je ukazano na nepostojanje plana rada za 2009 godinu koji nije stavljen na dnevni red .

Christian Oršolić-predsjednik UO

Ovo je moj previd, i moja greška jer sam zaboravio odraditi i pripremiti za skupštinu taj dio materijala , te molim skupštinu da ima razumjevanja i predlažem da upravni odbor na slijedećoj sjednici pripremi plan rada za 2009 i da ga postavimo na našu internet stranicu.

Zlatko Hodak-podpredsjednik Skupštine

Tražim od delegata da glasaju o predlogu predsjednika saveza za plan rada za 2009 godinu .

Prijedlog je jednoglasno usvojen te je zadužen Upravni odbor da napravi plan rada za 2009 godinu.

7. Utvrđivanje visine doprinosa članica saveza prema SRS F BiH sukladno Zakonu o slatkovodnom ribarstvu F BiH

Cristijan Oršolić-predsjednik UO

Kad smo napravili analizu prodatih dozvola i obaveze udruženja prema Savezu u skladu sa Zakonom iznose 6,50 do 7 KM po jednom članu, zbog mogućih tužbi trebamo plaćati obavezu prema savezu po Zakonu, a da za dozvole koje kupuju pioniri ne bi trebali plaćati obaveze prema savezu radi rasterećenja članica i popularizacije ovog sporta prvenstveno kod najmlađih naraštaja i njihove edukacije o čuvanju vlastita okoliša i prirodnih bogastava.

Miro Vrljićak-SRD Breza

Treba formirati komisiju koja će tražiti izmjene pravilnika koji prate Zakon o slatkovodnom ribarstvu.

Christian Oršolić-predsjednik UO

Da izvjestim skup da sam bio par puta sa Ministrom i njegovim pomoćnicima , i iste sam izvjestio sa kakvim problemima se susrećemo u primjeni zakona o sl. Ribarstvu i provedbenih pravilnika na terenu, te smo i konkretno razgovarali o mogućim rješenjima, tako da su u pripremi izmjene i dopune pravilnici koji će biti urađeni najvjerojatnije do kraja marta.

Ermin Hadžić-podpredsjednik UO

Nakon sastanka sa federalnom ministarstvu uspjeli smo dogovoriti da se povlači pravilnik o polaganju ribarskih ispita i da se o tom obavjeste sva kantonalna ministarstva, i prema mojim informacijama u toku je izrada tog pravilnika, suštinska razlika je da će doći do izmjene cijene polaganja, da je razbijena centralna Komisija i da će se formirati nove Komisije u čiji sastav će ući predstavnici saveza, predstavnici udruženja i predstavnici kantona.

Do sada je ispite položilo oko 4.500 ribolovaca a potvrde koje su dobili važit će i dalje buduća udruženja koja budu polagali ispit dobit će iste potvrde.

Odobasić Husein

Zanima me gdje su sredstva od polaganja ribarskog ispita i dali ovaj Savez treba da snosi troškove ljudi koji su ih stvorili ,dali je UO podnio tužbu protiv ljudi iz komisije koji su zapetljali sve ovo.

Čelić Almir – SRD Gračanica

Predlažem da se ukinu dnevne dozvole ukoliko svi položimo ribarski ispit.

Christian Oršolić-predsjednik UO

Da izvjestim delegate da je SRS F BiH dostavio rješenje porezne uprave u Kantonalno tužiteljstvo na dalje postupanje sukladno odluci ove skupštine sa prošle sjednice.

Zlatko Hodak-podpredsjednik Skupštine

Nakon izlaganja predsjednika i pošto se nitko više nije javljao za raspravu po ovom pitanju ova točka dnevnog reda se daje na glasovanje .

Pristupa se glasanju i skupština jednoglasno usvaja predloženi zaključak koji glasi:

Skupština daje suglasnost Upravnom odboru da obaveze udruženja naplaćuje u iznosu od 10% od prodane seniorske i juniorske dozvole a da se tih obaveza oslobode dozvole koje se izdaju pionirima po cijeni 25 KM

Christian Oršolić-predsjednik UO

Ja bih predložio da prvo raspravljamo o 10 tački dnevnog reda a da se poslije vratimo da 9 tačku dnevnog reda.Što je glasanjem delegata i prihvaćeno.

AD:10.Razno

Cristijan Oršolić-predsjednik UO

Tražim da Skupština usvoji slijedeće Odluke:

- umjesto dosadašnjeg člana Upravnog odbora iz Ljubuškog gosp.Miljenka Radića imenuje se u Upravni odbor gosp.Borko Grbavac-
- usvojeno jednoglasno

- na osnovu dogovora sa udruženjima sa TK da podržimo njihov stav da ukoliko dođe iz UO TK-a dopis da u UO Saveza umjesto Ahme Gogića treba kooptirati Vahida Lelić da Skupština ovlasti UO da to i realizira.
- usvojeno jednoglasno

- Dosadašnji predsjednik Skupštine me prije dva dana obavjestio usmeno i pismeno da odustaje od rada u organima Saveza i mi danas trebamo izabrati novog Predsjednika Skupštine i kandidat UO je Igor Gromilić.
- -prijedlog je prihvaćen jednoglasno

- Obzirom da su u tijeku Izmjene i dopune Statuta SRS BIH predlažem da ova skupština ovlasti UO da razmotri prijedlog izmjena i dopuna statuta SRS BIH te zauzme stav o istom u ime SRS F BIH.

Potom se po ovoj tački javio za riječ
:Nikola Puce-

2002 godine zajedno sa ostalim izabran sam u Skupštinu saveza BIH i nikad nismo pozivani una Skupštinu SRS FBIH.Predsjednik Skupštine i Predsjednik saveza su grdno pogriješili i konstatno krše Statut SRS FBIH.Upozorio sam Predsjednika da se radi o propustu. U Statutu našem stoji da Skupština donosi odluku o imenovanju delegata i drugih članova u razna tijela Saveza BIH.

Možete imenovati ljude ali neće ih prihvatiti Skupština SRS BIH.

O ovom ću informisati UO SRS BIH i tražiti da bez odluke udruženja ne prihvati ove delegate i tražiti da podnese disciplinsku odgovornost protiv odgovornih pojedinaca i to prvenstveno protiv predsjednika saveza .

Christian Oršolić-predsjednik UO

Federalni savez je osnivač SRS BIH i mi imamo pravo razmatrati Statut. Svima je jasno da neke stvari ne štimate gore. Niko nas do sada u SRS F BIH ništa nije pitao. SRS RS ima svoj stav o ovome i njihov predsjednik saveza, predsjednik skupštine i članovi UO su ljudi koji su u skupštini SRS BIH i oni tako direktno zastupaju savez

RS dok se naš veći dio delegata potpuno distancirao od SRS F BIH , i faktično predstavljaju sami sebe u SRS BIH , a ne svoj matični savez.

Što se tiče postojanja odluka udruženja u vezi kandidata za delegate u skupštinu SRS BIH, velika većina kandidata ima odluke i ja u tome ne vidim ništa sporno i smatram da skupština SRS BIH ne može ignorirati odluke skupštine SRS F BIH po ovom pitanju.

Josip Praljak-SRD Mostar

Ono što govori gosp.Puce nije u pravu mi imamo podršku našeg udruženja a već u ponedjeljak ćemo dostaviti odluke našeg UO i sigurno Vas uvjeravam da će naša Skupština podržati ovu odluku.

Odobašić Husein

Obavili smo razgovor na Skupštini SRS BIH a gosp.Puce snosi odgovornost za nerad Upravnog odbora SRS BIH,svi delegati su danas verifikovani od svojih udruženja i ova Skupština je nadležna da usvoji spisak kandidata našeg saveza u krovni savez tj . mi danas moramo izvršiti izbor delegata za SRS BIH.

Dražen Pažin

Ja se ograđujem od ovih insinuacija a formalno Skupština donosi izmjene i dopune Statuta SRS BIH i danas tražim da to skupština i uradi.

Josip Praljak-SRD Mostar

Imam primjedbe na vođenje Skupštine jednim delegatima daje se riječ jednima se oduzima,volio bih da verifikaciona Komisija pročita spisak udruženja koja danas nisu tu i da utvrdi iz kojeg razloga to nisu došli i takođe tražim da izvještaj o uplaćenim sredstvima svih udruženja objavi na web stranici

Damir Hunjić – SRD Neretva Mostar

Stvarno postaje čudno da delagati koji dolaze iz našeg udruženja uvijek kad su izbori postaju upitni,bilo je slučajeva da su naši delegati glasali protiv naših delegata i mislim da treba da postoji sistemski način da riješimo ovaj problem.

Zlatko Hodak-podpresjednik Skupštine

Nakon izlaganja Damira Hunjić i pošto se nitko više nije javljao za raspravu po ovom pitanju ova točka dnevnog reda se daje na glasovanje .

Pristupa se glasanju i skupština jednoglasno usvaja predloženi zaključak koji glasi:

Ovlašćuje se UO SRS F BIH da razmotri prijedlog izmjena i dopuna statuta SRS BIH te zauzme stav o istom u ime SRS F BIH.

AD 9.Izbor delegata SRSFBIH u Skupštinu SRS BIH

Christian Oršolić-predsjednik UO

Kao što Vam je poznato ove godine je izborna Skupština SRS BIH i prema Statutu SRS BIH naš savez imenuje 20 delegata u taj Savez poštujući nacionalnu strukturu imenovanih delegata i to 10 bošnjaka i 10 hrvata.Upravni odbor je razmatrao ovu problematiku i nakon što su stigli prijedlozi sa terena predlaže vam slijedeće delegate: Zijo Terović,Indir Melić,Ermin Hadžić,Ahmo Gogić,Amir Murgić,Midhat Miđić ,Fikret Kurtović ,Hikmet Harbaš ,Sidik Uzunović, Igor Gromilić,Borko Grbavac,Marcel Kučinski,Cristijan Oršolić,Miro Vrljićak,Tiho Popović,Josip Praljak ,Stipo Čuljak ,Zlatko Hodak,Nikola Konjevod i Milan Jagar.

Josip Praljak-SRD Mostar

Tražim da ispred našeg udruženja SRD Mostar bude imenovan Damir Hunjić

Odobašić Husein

Kao prvo potvrđujem kandidate sa prostora Tuzlanskog kantona i imam još jedan prijedlog da riješimo ovaj trenutno nastali problem:Predlažem da USK ustupi jedno mjesto hrvatu sa područja USK a da udruženja sa područja HNK-a ustupe jedno mjesto bošnjaku sa tog područja i da pismeno obavjeste Upravni odbor o tome

Miđić Midhat SRDBihać

Slažem se sa ovim stavom i sretan sam što je to ovako ispalo.
Potom je ovaj kombinirani prijedlog dat na glasovanje.

Ovaj prijedlog UO je usvojen većinom glasova kao i slijedeća lista delegata : Zijo Terović,Indir Melić,Ermin Hadžić,Ahmo Gogić,Amir Murgić, ,Sidik Uzunović, Igor Gromilić,Borko Grbavac,Marcel Kučinski,Cristijan Oršolić,Miro Vrljićak,Tiho Popović, ,Zlatko Hodak i Milan Jagara koja će biti dopunjena sa po tri delegata sa prostora USK-a i HNK-a, i to tako što će HNK kanton delegirati dva Hrvata i Jednog Bošnjaka, dok će USK delegirati dva Bošnjaka i jednog Hrvata i to pismenim putem u sjedište saveza.

Skupština završena u 15 sati .

Zapisnik vodio

Ovjerivači zapisnika

Melić Indir

1.Miće Čurčić_____

2.Zijo Terović_____